

КОЛХОЗ СЮРЕС

ВКП(б)-лэн Кезской Райкомезлэн но Райсоветлэн органзы
3-тй октябре 1940 аре № 90 (12103) Дуныз 5 копейка

Кутсаськонэз кык-куинь нуналскын быдэстоно

21 сентябре „Удмуртская правда“ газетлэн потэм номераз „Кутсаськонэз сентябрь толэзын быдэстоно“ шуыса гоштэмын вал. Отыв туж ярдыт возьматэмын, кызын трудэз организовать кароно но кутсаськонэз дыраз, кбсин быдэстыны средстваос но условнос кылдытон сярысь. Нош асьме Кезской райономы первичной партийной, комсомольской, советской организациос но колхоз'ёсын кивалтысьёс, сое санэ бз бастэ, партилэн но правительстволэн куремез'я укез организовать бз карелэ. ВКП(б) райкомэн но Райсоветлэн исполкомез тупатэм графикез уноез колхоз'ёс уг быдэс'ядо. Соин ик Кезской район соседней район'ёслэсь чидантэм бере кыле.

1-тй октябрь азелы, райзолэн сводкаез'я, район'я 72 процент сяна кутсан быдэстымтэ. Чидантэм ляб мынэ кутсаськон тае сельсовет'ёсын: Поломской 56 процент, Сыгинской но Стеньгуртской сельсовет'ёсын 61 процент сяна кутсамтэ. Озы ик Ст-Сиринской сельсовет'я 66 процент гинэ кутсамын. Али дыре 16 сельсовет'ёсысь одйгаз но сельсоветын кутсан быдэстымтэ.

Та цифраос возматэ сое, что первичной партийной организациослэн кивалтысьёсы, ВКП(б) Обкомлэсь но ВКП(б)-лэн Кезской райкомезлэсь указаниоссэс уж вылын быдэстон понна но-большевицки нюр'ясыкымтээс, но колхоз'ёсысь лодыр'ёслы но саботажник'ёслы но кыче ужрад кутымтээс.

Тани характерной пример, В-Югурт колхозысь председатель сэтэ наряд кык сме, яаен кутсаськоно шуыса, нош бригадир Никитина П. А. шуэ: „Уз мынэ мынам колхозник'ёсы уйин ужаны, соос шуазы районной кивалтысь-

ёслы премия бастыны понна а уйин ужалод“. Озы ик луиз, 8 часозь чукна калык бз поты. Сюрзи колхозын но 26 сентяб্রে тракторной кутсаськон машина сылэ, нош колхозлэн председателэз Игнат'ев озы вераське: „Мынам ниряд сэтэмын, нош али тани дыр 11 час, озы но уг на кутсасько“. Озы тини, трудэз нарушать карисьёслы артельлэн уставезлэн куремез'я ужрад уг кутэ. Прогульщик'ёсин но лодыр'ёсын уг нюр'ясько. Ст-Сиринской колхозын рвачь, но трудэз дезорганизовать карись Ложкин В. Г. котькыче мероприятияослы пумит луыса колхозник'ёс пблын агитировать каре: „Кутсаськон, пе, милесытым улонмес решать уг кары, али кабанэ тиреми—дыр вуоз кутсалом, нош колхозниклэн картошкаез копамтэ, сое быдэстоно“. Со чик уг скулмась кы колхозлэсь общественной хозяйствозэ юматон понна

Колхоз'ёсын трудовой дисциплинаез нарушать карисьёс азын моготэк ужрад кутэмын луыны кулэ но обеспечить кароно кутсаськонэз 2-3 нуналскын быдэстонэз. Кутсаськонэз дырыз-дыр'я быдэстид ке, колхозник'ёслы но трудовеня дырыз-дыр'я ик доходэз люкыны быгатод. Соин ик кутсаськон ужын пуктоно большевистской порядок, вань кутсаськон машинаосты, вань ужась кужымез кысконо кутсаськон уже. Котькуд кутсаськон итым'ёс зор, кот шедемлэсь умой тупатамын луыны кулэ, но ю-тысь тус-тас медаз луы шуыса, ответственной мурт'ёс вис'ямын мед луозы.

Кутсаськонэн ог дыре ик государствоы обязательной поставкаосты тыронэз—на-туроплатаез, семенной, фуражной но страховой фонд'ёсты кысьтонэз правительствоен тупатэм сроке обеспечить кароно.

Пионер'ёс шефство бастыны

Поломской НСШ-ысь 15 мурт пионер'ёс Полом колхозлэсь ливал пудозэ таза будатыны шефство бастыны.

Та ужый инициаторен луо НСШ-лэн дышетэсез М. А.

Иванов но пионерка Клара Поздеева. Соос нуналлы кык пол парсьпиосты, кунян'ёсты но чуныосты сюдыны, сына-вы, миськыны ветло.

П. Поздеев.

Узыр но культурно уло Сталин-лэн нимыныз нимам колхозысь Орден Ленина колхозник'ёс (Чувашской АССР). Азыйыл сютэк ульсь Кольцовка гуртын лэсьтэмын НСШ, клуб, пинал ваён корка, ветеринарной лечебница, электростанция. мунычо, столовой, ясли, умоесь пудо гид'ёс, типография, кытын потэ колхозной газет.



Колхозлэн председателэз СССР-лэн Верховной Советэзлэн депутатэз орденоносец С. Х. Коротков, кудйз наградить каремын ВСХЕ-лэн бад'ыым зэрни медаленыз.

Ужэз умоятйз

Пикша колхозысь Шулепов Д. П. бордгазетлэн редакторез, газет поттон ужэз курсыа дышетскон куспын шбд-скымон умоятйз. Кужмо нюр'яське солэн бордгазетэз колхозысь лодыр'ёсын но трудовой дисциплинаез нарушать карисьёсын. Возмат'я стахановец'ёслэсь ужам амал'ёссэс. 14 сентяб্রে 9 номеро бордгазетаз возматэмын машинистлэсь-стахановецлэсь А.Ф. Ложкин эшлэсь стахановской амалэн ужамзэ.

Ложкин эш 50-80 центнер нуналаз кутса. Нюлэс коранын 55 кор чогон ингые 120 кор чоге. Та бордын ик возматэ куд ог колхозник'ёслэсь мылкыдтэк ужамзэс но производствоы дезорганизовать'ёсты. М. И. Ложкин кутсаськон машиналэсь подшипниксэ бастэм но макняе ватэм. Соин ик 24 мурт жыны нунал ужан дырзэс быдтыса, 17,5 трудовенлы уж кылиз шуыса возматэ.

ВКП(б)-лэн Уставезлэн куремез'я партилэн котькуд член'ёсыз жадёнэз шодытэк марксизмлэсь - ленинизмлэсь основаоссэ усвоить карон бордын ужано луо. Нош первичной партийной организациослэн задачазы — партиепыртэм егит коммунист'ёсты политически воспитать карон.

ВКП(б) членэ кандидат'ёсты нуналмысь партийной поручение сёт'яса, партилэсь Уставзэ уж вылын быдэс'яны дышетано. Егит коммунист'ёсты бюджетон но соосты кыллатон — первичной партийной организациослэн секретарьёссылэн важнейшей задачазы. Соин ик первичной партийной организациослэн секретарьёссылэн кивалтэмзылэсь зависеть каре коммунист'ёсты марксистско-ленинской теориен вооружить карон но. Нош та задачаез куд-ог пер-

вичной партийной организациослэн секретарьёссы ужэн уг быдэс'яло. Госбанковской первичной партийной организациослэн секретарез Крехнин эшегит коммунист'ёсты (Аникино Главатских) марксистско-ленинской теориен вооружить карон понна ичи скулмасыке. Соослы идейно будыны юрттэт уг сёт'я, а соос туж ик юртсконэн кулэясько.

Крехнин эшас бордаз ужам амал'ёссэ аслаз. партийной организациаз уг вёлмыты, но Аникинэз но Главатскихез ас бордазы самостоятельно ужаны уг дышеты, соин ик соос кык занятиосты пропустить каризы, кружоке өз ветлэ. ВКП(б)-лэн Уставезлэсь куремзэ первичной партийной организациослэн секретарьёссы уж вылын бюджетон понна кужмо нюр'яськоно луо.

П. Вельков.

ОБОРОННО-МАССОВОЙ УЖЕЗ УМОЯТОНО

Сентябрь голэзын ВКП(б) райкомлэн бюроаз, население пöлын оборонно-массовой ужез быдэсемебез сярэсь ужпум эскеремын вал.

Бюролэн решениез бере Осовавихимлэн райсоветэз 11 сентябрьсен 15 сентябрьозь группаослэн но командаослэн кивалтисьёсынызы семинар ортчытис. Семинар ортчытэм бере осовавихимлэн первичной организациосыз ужаны кутскизы стрелковой кадр'ёсты дасялэн выль программаез'я.

Юнгес скулмасыкыса уже оборонной уже бордын МТМ-ын ужась, запаслэн командирез, Макаров эш. МТМ-ысь егит ужасьёс изучить каризы ини винтовкалэсь материальной частьёссэ но РККА-лэн внутренней службаезлэсь уставзэ. Умой уже аслаз группаеныз Максимов эш но (средней школа).

Таин чош верано луэ Заготзерноысь, Райздравысь но Чумошур колхозысь комсомольской но партийной ор-

ганизациосын кивалтисьёсты. Нокудаз но татын осовавихимовской организациос кылдытымтэ. Первичной партийной но комсомольской организациос вунэтиллям, что асьмеос котыртэмын капиталистической странаосын. Соин понна тодыны кулэ Сталин эшлэсь верам кыл'ёссэ, что „вань советской калыкез возыны кулэ мобилизационной дасьлыклен состоянияз“.

ВКП(б) РК-лэн бюроезлэсь решениезэ быдэстыны понна ВКП(б) РК-лэн Военной отделеазын, РОКК-лэн но ФК-лэн райсовет'ёссы азын, первичной партийной, комсомольской, профсоюзной организациос азын бад'зым задача сылэ население пöлын оборонно-массовой ужез паськыт вёлмытон'я. Районын одиг колхоз но, одиг предприятие но, учреждение но осовавихимовской организациатэк медаз кыле. Та ужез вылы удысэ вуттыны кужым тырмоз.

А. Белослудцев.

Прогульщикез законлэн строгостез'я наказать кароно

СССР-лэн Верховной Советэзлэн Президиумезлэсь 26-тй июне поттэм Указзэ Пужмезьской сельсоветын ужасьёс уж вылын чик уг быдэс'яло. Тани 23 сентябре сельсоветлэн исполкомезлэн секретарез А. Максимов Чепецкой МТС-лэн старшой агрономызы Гусевен лумбыт ужано дырээс юкыса быдтызы.

Нош соку сельсоветын данак калык кулэ ужэн Максимовез витизы. Кылсырысь:

Глазовской сельхозтехникумысь дышетскись А. Г. Федоров дышетсконьсытыз паспорт понна бертэм. Нош Максимовлэн лумбыт прогуллэсьтэмыныз сэрэн, Федоров лумбыт дырээ ыштыз. Та прогульщикез законлэн строгостез'я наказать кароно.

Озы ик зоотехник Русских но избач Главатских сельсоветын тэк пуко, уг ужало.

Федоров но Вельков.

Азинскон'ёсын буйгатскыны уг яра

Кезской сельсоветысь колхоз'ёс туэ арын синмасыкымон ужамзэсь возьматызы. Государстволы ю-нянь сётонзэс уноез быдэстызы ини. 25 сентябрь азелы сельсовет'я 95 процентэз клевер кутсамын но 340 тонна силос дасямын. Заря но Ключевской колхоз'ёс государстволы картошка сётонзэс 100 процентлы тырмытызы. Доброгурт, Алён, Сосновый-Бор колхоз'ёс клевер кидыс сдаты каронзэс мултэсэн но Б-Кез, Кездур, Алён колхоз'ёс 100 процентлы быдэстызы. Озы ик коньдон тырон но умоймынэ. Квартальной план сельсовет'я 135 процентэз быдэстэмын, нош Заря колхоз 140 процентозь вуттиз.

Но уноез колхоз'ёслэн кивалтисьёссы ожит азинскем'ёсынызы буйгатскизы. Кутсасыконэз асэрказ лэзизы, кын улэ гырон лябмынэ. Уката ик лябмынэ кутсасыкон Нюрмуш но Доброгурт колхоз'ёсын. Кын улэ гыронзэ август-сентябрь толэзёсы ик быдэстоно. вал. Озы ке но Алён колхоз 1,5 гектар но Нюрмуш колхоз 15 гектар гинэ гыризы. Нош Заря колхоз (председателез Белослудцев) 27 сентябрь азелы одиг гектар но өз гырына.

В-Уди колхозысь бригадир, ВКП(б) членэ кандидат, П. В. Тронин колхозник'ёс пöлын кышкатэк верасыке: „Кылем арын ми 20 га гинэ кын улэ гыримы, нош туэ 50 га гырим ни. Эшшо-а косозы на гырыны?“ Аникино колхозысь счетоводлэн но мылкыдыз таёе ик: „Мимала арын 7 га гинэ гырим, нош туэ 12,5 га гырыськиз — окмыны кулэ ини“ шуэ со.

Ильегурт колхозлэн председателез Главатских колхозник'ёсты личной хозяйствоазы ужаны лэзем. Колхозлэсь сельскөхозийственной уж'ёссэ быдэстыны уг ик малпа со.

К. Докучаев.

Отв. редактор **Н. ДАНИЛОВ.**
Поттись райсовет.

Ялон

Кез МТМ-лы постоянной уже таёе ужасьёс кулэ:

Афтомашинаос'я но трактор'ёс'я слесарьёс, монтажник'ёс, токарьёс, но кузнец.

Тракторной детальёсты тодысь кладовитик.

Со сянэ слесаре но токаре дышетскыны ученик'ёс кутысько. Дышетскон дыр 4 толэзысен 6-ёзы. Сейськоз стипендия.

Дирекция.